

留高江校化原刻作花未詳何字  
休休休

中門之右文祠於學門之左閱三月訖工以八月日舍  
菜告成淮亦忝預班列徘徊顧瞻金碧璀璨照映林谷華蓋若  
增而高文曲之星流輝炳耀視昔有加矣訓導及諸生李宗田  
等相與言曰斯役也不獨易廢為興抑且增其未備于以安安  
一聖靈休化生徒扶植斯文之功大矣蓋謀伐石登載垂示將  
來因屬筆於淮俾為之記淮聞地因人勝古有是言吾邦巨儒  
前代姑置勿論宋儒志王先生景山唱道學于伊洛未作之先  
而為理學開山之祖是後若周行己劉安節安上皆承伊洛正  
傳吳表臣之論諫葉適之宏博蔡幼學之不避權奸薛士龍之  
明於料敵若此者更僕不能盡述宜乎學士虞文靖公目為杞  
梓茂林鳳麟靈囿豈非地因人勝之謂乎諸生仰荷  
聖朝培養之深恩又承郡邑官僚作興之嘉惠當思報稱期於

無忝必以禮義廉恥為立身之大端切劇淬勵以就其德器朝  
益暮習以充其才識奮然以前修自期杞梓鳳麟殆將復見於  
今日豈特華蓋文曲增輝而已哉淮自成童鼓篋邑庠忝備賓  
與叨膺科第由兩制從事孤卿之後今焉困於末疾謝事家居  
自念無實德而擅虛名上負

列聖之知遇抱愧戰兢惕然于懷諸生入學雖有後先淮視之  
皆同門友故因記脩學之事冒進箴規之言生也誠能致力於  
真知實踐之學崇秩厚祿不求而自至由是據其素蘊灼灼見  
諸事業以為斯文之光庶幾無愧也生其勉乎哉

重脩巽山道院記

溫為山水郡城之背負江崇山四面環拱內有小山聯絡而南  
堪輿家以為上應北斗城壓五山之脊四居城之外其在東南

者當巽山之位號曰巽吉石壁削翠凌虛而起秀氣特異宋瓊  
**瑤玉**白蟾真人煉丹于茲山之麓郡人葉辰州嘗守瓊與真人  
夙契致政家君以巽吉乃仙真遺蹟不可褻慢於是捨地以廣  
其址好善者相與協力構道院以脩祀事中建崇陽殿殿之左  
偏有瑤璣閣後有駐鶴亭周以兩廡闢以重門山頂建玉樞殿  
是為嘉定九年也至正間殿宇蕪廢前任持侯惟一重建洪武  
初住持吳守中增創佑聖殿玄壇祠而規模寔備歷年既久風  
雨振凌棟椽梁摧磚甃拆侈住山副都紀陳昉慨然興懷白于  
前太守何公文淵事未舉而公超陞刑部侍郎擢府曹公瑋署  
府事昉復以為請推府公曰此賢守之志也不可以不遂於是  
以其所積脩建嶽廟餘資白金八十兩發揚興工推府公又規  
資庀材大舉緝理之役富室有欲入貨泉以相其成者聽慎選

者民業後胡畊副昉領其事推府公政務之隙時加程督焉朽  
蠹者易之以堅良拆侈者加之以縝密傾者正仆者起繪飾塗  
墜金碧文輝厥功告成而推府公已擢監察御史去郡矣郡人  
遊觀者莫不仰其遺惠喜其榮陞而惜其不得終愛於我民也  
殿後亭久廢僅存遺址今太守劉公謙適來禱雨徘徊顧瞻謂  
判府劉公寬及其僚佐曰此真仙棲神之所庸可棄乎即日召  
匠計工規畫締構悉復其舊昉以為易廢易興非大願力曷能  
臻茲謀伐貞石紀載垂示後人俾嗣守勿怠以淮世居是郡克  
知故實因屬筆焉淮謹按昔在有虞肆類上帝而徧于群神成  
周禋祀昊天以至于山林川澤祈禳禱榮載諸周禮具有典常  
無非所以為民也洪惟我朝稽古為治咸秩羣祀上嚴事天  
之誠敬下資斂福以錫民自永樂以來屢頒詔旨脩緝祀典

斗城下官行於此

祠宇仍命詔求古跡靈壇有司遵承惟謹吳山道院在洪武中  
為永嘉道教叢林朔望會眾祝聖之所而又經玉蟾真人脩煉  
成功遺跡具在其觀宇豈宜廢墜宜乎郡府官僚惓惓以脩舉  
為任也况郡城實郭璞之所規度而以九山為地勢關鍵故名  
之曰斗城魁星斟酌元氣巽吉應在杓提挈所繫此又不可以  
不重也今焉煥乎一新而諸山亦為之增輝發祥集慶誰可涯  
哉書以為記而系之詩曰 斗城東南當巽方杓星毓秀氣所  
鍾六丁鑿削勢斧戕丹崖翠壁相輝煌瓊瑤真人紫霓裳遠來  
駐鶴雲為房丹成九轉飛紅光層霄鸞馭參翱翔遺此吉壤不  
可忘琳宮屹然鎮崇固歲久頽廢數有常不治坐見成蕪荒郡  
府官僚友贊襄輦材陶甃堅且良群工執役敢怠違植以巨棟  
承脩梁雕楹藻稅連飛雲氣勢直欲摩穹蒼 龍駕帝服丹

管

斗城下官行於此

霞幢鳳麟騰乘五采彰仙真冠珮翼兩旁岳祗川后紛來從雨  
師灑道塵不揚洞鑿精誠臨下方下與黎民降嘉祥疫癘屏斥  
時雨陽原多黍稷隰有杭地清天寧民樂康民樂康兮感吾皇  
百神受職帝道昌晨鐘夕鼓聲嚶嚶道流藏事飛綠珠章恭祝  
聖壽齊天長

歲

溫郡廟學脩造記

溫為浙左望郡其衣冠文物之懿號稱小鄒魯廟學在郡東南  
位置崇嚴規模宏麗適與郡望稱然而地瀕大海颶風震凌易  
於摧毀頃者太守何公文淵力圖緝理工將就緒而何公越赴  
超陞之 命既而颶風歟至厄壞滋甚未幾今太守劉公謙由  
名法從以才能受薦來掌郡事視篆伊始謁廟視學顧瞻咨嗟  
退而沈思殫慮鳩資庀材次第經營貳守徐公恕判府劉公寬

斗城下官行於此